

TAFASWIRI AN-KI'BUSHI NIM-MATEKELEZO KI DUNIA NIN-HAKI-L-ADAMİ

ALUHA NIN-VUDIN' NI KURADA

An-fahitana amba, fikuḅaliṇa amba ḅinadamu djabi nitirahinyi ndreka usheu ndreka haki merana nandzari ro musingi nin-nafasi, nin-haki ndreka usalama duniani ;

An-fahitana amba, tsifahizana ndreka fipuzisana haki-l-adami ro mikutsonga faganovana shitrendro ki katili maneitri rohu nin-umati djabi, amin' ni zenyi, fitunga nin-ulemengu mbu kuruhusu ḅinadamu ivulana ndreka ikwamini aminnafasi, ḅilò tahutru wala taãḅu nin-ufukara, ro nikutekelezana kirasimi, ustaãraḅu beheben-djabi ninhulumbelu ;

An-An- fahitana amba, anatin' ni sharia-musingi nin-ndreu, zanatani nin-Uvumoja nin-Twaifa (Shama nin-Daula nin-Ulemengu) nikutekeleza mara hafa uaminifu nin-ndreu amin' ni haki musingi nim-ḅinadamu ; amin' ni usheu ndreka kima ninhulu an-rohuni, amin' ni fihirana nin-haki nin-lalahi ndreka viavi, amin' zenyi, reu nampahei amba reu nangala āzima ampadeha aluha fanadzarisana maisha nimḅinadamu ndreka ampiditri an-lalana raha mbu andei tanafu tsara am-maisha nin-nafasi nankitinyi nimḅinadamu ;ahitana amba, nikulazimu natou nguvu fihavagana ḅainan' ni tani ndreka tani ;

An- fahitana amba, Daula Anatin-shama iti ndreka shama nin-Uvumoja nin-Twaifa (Shama nin-Daula nin-Ulemengu) nangala wahadi an-ndreu anaraka kabaru retu atò haki-ladamì ndreka nafasi musingi ikustehinyi nankitinyi amin' ni dunia mafia ;

An- fahitana amba, fikutrugana djumla nin-sharia ndreka nafasi retu nandzari muhimu swafi an-fikustehiana namuna kulazimu, wahadi iti ;

Trengwe djumla nampahei amba Matekelezo ki Dunia nin-Haki-l-Adami iti

ro daradja anabugabun-djabi nin-ustaãraḅu nikulazimu nahazu nin-kula karazana zanatani ndreka nishani, anga ḅinadamu djabi ndreka kula karazana ninfikueshianandreu, ihisi Matekelezo iti daima amin' ni luhan-ndreu, ananu djitihadi amin' ni fampidzuruana ndreka fitarimiana, ampiasa masitaha nin-sharia ndreka nafasi retu ; amin' ni zenyi, ananu modeli ata, amin' ndreu manapiditri an-lalana moramora-moramora satua mifotutru tani ou mifotutru dunia, reu ikutsonga ata fikuḅaliṇa ndreka fikurumiana reu iti, ike nin-ankitinyi amin' ni dunia mafiha ; rangu amin' ni zanatani nin-Daula anatin' ni Uvumoja nin-Twaifa (Shama nin-Daula nin-Ulemengu) ata an-tani amin' ni hifadhwi ni sharian-ndreu.

Kanuni aluha

ḅinadamu djabi nitirahinyi an-nafasi, reu bokeu mirana amin' ni usheu ndreka haki. Reu teraka ndreka ākili ndreka hikima, amin' ni zenyi, reu nikulazimu nisi twerana nin-fihavagana reu sambu reu.

Kanuni faha aroini :

Kula hulugu meti mikudai fikurumiana amin' nazi ninsharia ndreka nafasi retu djabi, nivulagana amin' ni Matekelezo iti, wala tsisi fifidana tsokao yotsi, mfano mifotutru kabila, range (nin-nenyi), lalahi au viavi, fivulagana, dini, fikira ki siasa au fikira hafa tu, tani nibwahana au daradjan-hulugu, mali, teraka au kabaru hafa tu.

Boka eu, tsi uhisi fifidana tsokao yotsi mbu atou hatasiḅaḅun' ni daradja nin-siasa, nim-mahakama au hatasiḅaḅun' ni abezan-tani au gitro nin-tani nibwaha ninhulugu ; neka tani iu au gitro nin-tani iu huru, nikutawalan' ni tani hafa, tsi mahaleu tana au nikupunguzana yezi.

Kanuni faha teluni :

Kula shumbe-ḅinadamu misi haki an-fikueshiana, annafasi ndreka an-hifadhwi nin-nafusini.

Kanuni faha efatrani :

Tsisi hulugu mbu atou andevu au andivuzana : fandivuzana ndreka kula kalite nin-fanyiraha ki andevu, tsi kuruhusugu.

Kanuni faha dimini :

Tsisi hulugu mbu atou matriko, wala fihezinyi ou kudilinyi kara raha tsisi manani ou atou raha mikulanisa izi.

Kanuni faha tshutani :

Kula hulugu misi haki an-fikuḅaliṇa haki nazi kula mahala misi izi.

Kanuni faha fituni :

Hulugu djabi mirana an-lalana ki sharia ndreka misi haki djabi ḅilò fifidana, an-hifadhwi mirana nin-sharia. Hulugu djabi misi haki mirana an-sharia mikuhifadhwi hulugu ndreka kula uḅanguzi mandeha kinyume ndreka Matekelezo iti, ndreka kula fikutsotsana uḅanguzi iti.

Kanuni faha valuni :

Kula hulugu misi haki an-fandihaana mikushitaki ammahakama nin-tani misi maārifa amin' ni kabaru nazi, neka haki-musingi nazi, boka eu nikuḅalin' ni sharia be musingi ou sharia tu, tsi nikusutehinyi.

Kanuni faha sivini :

Tsisi huluḡu mbu heti tanin-sirikali ou gadrani lajoli ou atuwatanini 6ilà si6a6u.

Kanuni faha fuluni :

Kula huluḡu misi haki, an-fihirana swafi, an-faganovani modeli atà hadja nazi urenyim-mahakama tsi kisirikali, tsi mampinonu hila, an-lalana nin-haki ndreka anyivuntrengwe. Mahakama iti ro mbu ahei neka huluḡu iti amin' ni haki nazi ndreka farudhwi nazi au mashitaka natonga izi iti manaraka lalana.

Kanuni faha fulu areki ambini :

Kula huluḡu nikuhutumungu ndreka ta6ia ratsi, kaza taninyi ndreka halathwi paka izi kuhukumungu kirasimi am-mahakama mbianga an-trengwe, amin' izi eu, kula kabaru miditri amin' ni difai nazi djabi nikurumianana.

Tsisi huluḡu mbu vangona kubei hatasi6a6un' ni amali au raha tsi nishugulinyi, ndreka wakati naganovana reu iti, reu tsi nalana amba ta6ia ratsi amin' ni sharia nin-tani au nin-ulemengu. Boka eu kua, tsisi raha rati mandiltra iny i fa vua huluḡu lera naganovana ta6ia rati retu, mbu vua huluḡu kua.

Kanuni faha fulu aroi ambini :

Tsisi huluḡu mbu hidirana 6ila si6a6u, am-maisha ninantanana nazi, amin' ni havana nazi, amin' ni trangu nazi au amin' ni 6arua nazi ; wala tsisi huluḡu mbu hiditri amin' ni kabaru mbu ikupua huluḡu usheu, mbu andatsaka izi. Kula huluḡu misi haki an-hifadhwi ninsharia mamahana fidirana an-huluḡu ndreka fikufutsuhana maisha nin-huluḡu.

Kanuni faha fulu telu ambini :

Kula huluḡu misi haki an-fidirana ndreka fibwahana an-nafasi ndreka an-fifidanana mahala ipitrahani anatin' ni Daula .

Kula huluḡu misi haki an-fibwahani an-nakwakila tani, ata an-tani nazi, ndreka an-fipudiani an-tani nazi.

Kanuni faha fulu efatra ambini :

Am-mahala misi udilifu, kula huluḡu misi ruhusa mitsakaraka mahala ififianga, boka eu, misi furswa ahazu mahala ififiani amin' ni tani hafa.

Sharia iti tsi heti kurumianana neka huluḡu mila ikurumianana izi iti, tsakarahin' ni sirikali hatasi6a6un' ni shidrendro natoni niditri amin' ni 6aadhwi nin-shidrendro nikudukurungu amin' ni sharia djumla au hatasi6a6un' ni ta6ia natoni tsi miaraka ndreka madhumuni ndreka makuswada nin-Uvumoja nin-Twaifa (Shama nin-Daula nin-Ulemengu).

Kanuni faha fulu dimi ambini :

Kula huluḡu misi haki an-fazahuana uraia.

Tsisi huluḡu mbu heti fahana kaza ahazu uraia au amadiki uraia, 6ilà si6a6u.

Kanuni faha fulu tshuta ambini :

Neka reu fa kutsimu, lalahi ndreka viavi nin-kula nishani, kula uraia au kula dini, meti manambadi ndreka miteraka zanakan-ndreu. Hakin-ndreu amin' ni kabaru mifotutru vadiana merana, lera reu amin' ni vadiana ndreka lera reu mibogu.

Vadiana mbu heti atou neka bwana harus i ndreka bweni harus i niku6ali izi iti.

Fihisianga havana iu raha amin' ni vatan-huluḡu boka eu muhimu amin' ni maisha ki udjamaa ; izi iti misi furswa ahazu hifadhwi nin-udjamaa ndreka nin-Daula.

Kanuni faha fulu fitu ambini :

Kula huluḡu, rangu iny i mipetraka izi areki ata iny i mipetraka an-djamaa, misi furswa amba izi hu tompinshandza.

Tsisi huluḡu mbu heti fahana 6ilà si6a6u amba izi kaza utompin-shandza.

Kanuni faha fulu valu ambini :

Kula huluḡu misi haki an-fihisianga nafasi nin-fikufikiriana, nin-fikurumianana akili-musingi ndreka nin-fihisianga dini ; haki iti mikuruhusu huluḡu mamadiki dini au fikira, ndreka manamia huluḡu nafasi mampabei dini au fikira nazi izi areki au ndreka ri namani rangu an-karamandza ata an-trangu ; amin' ni fidzuruana izi, amin' ni faganovana izi, amin' ni faganovana ibada ndreka mahafala mifotrutu dini iti.

Kanuni faha fulu sivi ambini :

Kula huluḡu misi haki an-fihisianga nafasi ninfagabwahana fikira ndreka nin-fivulana ; maanani iu, huluḡu misi haki an-tsifiampidzalana huluḡu hatasi6a6u nin-fikira nazi ; an-fahazuana ndreka fagabugana 6ila tsisi fikutundana mupaka, kabaru ndreka fikira, an-kula lalana mbu kurumianana.

Kanuni faha arompuluni :

Kula huluḡu misi haki an-fihisianga nafasi nin-fivuriana ndreka nin-faganovana shama tsisi tashahushi.

Tsisi huluḡu mbu atou nguvu ihiditri an-shama.

Kanuni faha aropulu areki ambini :

Kula hulugu misi haki an-fangalaga fuvu anfangandesaga kabaru mifotutru hulugu djabi an-tani nazi, nahika ro hulugu tompini au amin' ni hulugu mapatitri wakala nifidanaga an-nafasi.

Kula hulugu misi haki an-fihisiaga lalaga, mikustehi masharutwi nin-fihiraga, iditri an-hasa ki sirikali nin-tani nazi.

Nia nin-zanatani io ro musingi nin-yezi nin-sirikali ; nia iti nikulazimu kutekelezaga amin' ni voti mazava nikulazimu natou kula mumba muda, amin' ni lalaga mikukarisa hulugu djabi an-fihiragana, amin' ni voti ninsiri au maraka fomba miraga ndreka voti nin-siri, mikuruhusu unafasi nin-voti.

Kanuni faha aropulu aroi ambini :

Kula hulugu, amin' izi hulugu nin-djamaa, misi haki anfazahuaga hifadhwi ki fihavagana (ki siraki) ; musingi nin-hifadhwi iu, ro fikutsimidzaga haki mifotutru aka, udjamaa ndreka utamaduni muhimu an-hishima nazi ndreka an-huvambufu an-nafasi nin-tweraga, hatasibaun' ni djitihadi ki tani ndreka fishirikaga ki ulemengu, hatasibaun' ni namuna nin-kupangaga ndreka rasulimali nin-kula tani.

Kanuni faha aropulu telu ambini :

Kula hulugu misi haki an-fazahuani hasa ndreka anfihisiani shabaha an-fifidanani hasa amin' ni lalaga ninhaki bokeu kusutou nin-hasa ; ndreka misi haki anfikuhafadhwiaga izi ndreka fipitrahaga-bure.

Hulugu djabi, wala tsisi fifidanaga, misi haki anfazahuaga mushahara meraga an-faganovaga hasa miraga.

Kula hulugu miasa, misi haki an-fazahuaga mushahara kusutou, modeli nikulazimu mbu ikuruhusu izi ndreka ri havani uhisi maisha ki ubinadamu, bokeu meti susohinyi ndreka musada hafa nin-hifadhwi ki udjamaa.

Kula hulugu misi haki an-fikupangana ndreki ri havani, shama nin-fikudaiaga haki nin-hulugu nin-hasa, an-fihidirani an-shama mikudifa tanafu nazi.

Kanuni faha aropulu efatra ambini :

Kula hulugu misi haki an-fagabwahaga vaha ndreka fangalaga nafasi, amin' ni zenyi, an-faganovaga mupaka mikustahiki amin' ni muda nin-hasa ndreka anfangabwahaga vaha ifaga nim-muda.

Kanuni faha aropulu dimi ambini :

Kula hulugu misi haki an-fihisiaga daradja ninfikueshiaga kiasi, mikuruhusu izi uhisi swiha tsara, ahazu faivagana, izi ndreka ri havaga nazi, an-kabaru mifoturu, fihinanaga, fisikinaga, fihisiaga tragu, fazahuaga audi ki lopitali ndreka fazahuan-hulugu zema ki sirikali muhimu : izi misi haki an-fazahuani musada anwakati nin-fipitrahaga-bure, nin-aretinyi, ninfikupunguzan' ni ziga, nin-fati nin-vadi, ninhaubakokuaga, au am-mukabala nin-fihafahan-raha mampahazu hulugu maisha, hatasibaun' nin-fandihana nin-kabaru bila uvhendza nazi.

Fitirahaga ndreka hauzazaga misi haki an-fazahuaga musada ndreka fikututu6iaga mahususu. Zaza djabi, rangy reu nitirahinyi an-vadiaga at6 reu nitirahinyi antani, misi haki miraga an-fazahuaga hifadhwi nin-taaba nim-maisha.

Kanuni faha aropulu tshuta ambini :

Kula hulugu misi haki an-fidzuruaga. Fidzuruaga nikulazimu bure, shingani ro, fidzuruaga an-likoli madiniki. Fidzuruaga hasan-tanana nikulazimu mibiaga an-hulugu djabi ; fidiraga an-likoli nin-daradja agabu ninfidzuruaga nikulazimu nibiaga an-fihiraga nin-ankitinyi, an-kula hulugu djabi misi maarifa uhiditri.

Fidzuruaga nikulazimu nikusudia utsatsarufu nimbinadamu, faganovaga nguvu mastaha nin-haki-l-adami ndreka nafasi musingi. Izi tih nikulazimu nampandehaaluha fikuelewaga, muswamaha ndreka fiwandzaniaga nin-tani djabi, ndreka shikao nin-kabila au nin-dini ndreka fandihanaga-aluha nin-amali nin-Uvumoja nin-Twaifa (Shama nin-Daula nin-Ulemengu) fikututu6iaga usalama.

Ri hulugu maventi nin-hulugu, misi haki an-fifidanaga amin' ni raha muhimu amin' ndreu, fidzuruaga tokutru ahazun-ndri zanakan-ndreu.

Kanuni faha aropulu fitu ambini :

Kula hulugu misi haki an-fangalaga fuvu neka izi shoku, am-maisha ki tamaduni nin-djamaa, an-fangalaga bastwi nin-swanaa ndreka an-fangalaga bandza amin' ni fandihanaga-aluha nin-sayasi ndreka atsaraga ahazugu an-raha retu.

Kula hulugu misi haki an-fikuafadhwiaga zavatra nazi, rangy reu mifotutru ilimu ata zombo nikumbaga anfikurumianaga sayasi, fanurataga buku au fikutrungaga kabaru, neka izi ro tompin' ni raha retu.

Kanuni faha aropulu valu ambini :

Kula hulugu misi haki an-faganovaga modeli at6 utrilivu amin' ni maisha ki binadamu ndreka amin' ni ulemengu iku6ala at6 haki ndreka unafasi nikudukurugu agatim- Matekelezo iti, ikurumianaga namuna nin-kulazimu.

Kanuni faha aropulu sivi ambini :

Binadamu misi raha diasinyi ndreka izi amin' ni djamaa nazi ; amin' izi iti, fikuvambusan' ni tweraga nazi an-nafasi, iu tu ro raha isiani ruhusa maganu azi.

Amin’ ni fikurumianaga hakin-hulugu, ndreka fihisianhulugu nafasi, raha retu djabi misi mupaka napetrakansharia. Makuswada nim-mupaka retu, izi ro faḡanovaga modeli ata fikuḡaliaga ndreka mastaha nin-haki ndreka nafasi nin-havaga ikueshi ; amin’ ni fikusutehiaga kua, masharutwi nin-uḡinadamu, nin-utrulivu nin-trengwe ndreka fiatsaraga djumla nin-djamaa nin-ki nafasi.

Haki ndreka nafasi retu, āla-kulli-hali, tsi uheti ikurumianaga amin’ ni lalaga tsi miaraka ndreka makswada ndreka masharutwi nin-Uvumoja nin-Twaifa (Shama nin-Daula nin-Ulemengu).

Kanuni faha telumpuluni :

Tsisi atā sharia areki nim-Matekelezo iti mbu heti kutafaswirinyi amin’ ni lalaga mikuruhusu, Daula, shikao au hulugu areki, ihisi haki itsokao yotsi nin-faḡanovaga mahafala au āmali mandrubaka haki ndreka unafasi nikudukuruḡu etu.